



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1284-1/24

Datum: 23.10.2024. godine

Shodno odredbama člana 31. stav (1) tačka b) Statuta Grada Sarajeva („Službene novine Kantona Sarajevo, broj 7/23) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20) za 44. sjednicu Gradskog vijeća Grada Sarajeva, održanu 23.10.2024. godine, **predsjedavajući Gradskog vijeća Jasmin Ademović**, u funkciji gradskog vijećnika, uputio je **inicijativu**, broj 01-GV-02-1284/24 od 17.10.2024. godine, koja je u prilogu ovog akta.

Gradsko vijeće je podržalo podnesenu inicijativu i ona je postala inicijativom Gradskog vijeća.

PREDSJEDAVALJUĆI GRADSKOG VIJEĆA

Jasmin Ademović, s.r.

Prilog:

- Inicijativa

Dostaviti:

- gradonačelnici Grada Sarajeva
- predsjedavajućem Gradskog vijeća, na znanje
- evidenciji
- a/a

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



JASMIN ADEMOVIĆ, predsjedavajući Gradskog vijeća

GRAD SARAJEVO
GRADSKO VIJEĆE
PREDSJEDAVALUĆI GRADSKOG VIJEĆA

GRADSKO VIJEĆE	
17-10-2024	
01-GV-02-1284/24	

Predmet: Inicijativa za sufinansiranje asfaltiranja puta u srebereničkom kraju do sela Klotjevca

U skladu s Poslovníkom Gradskog vijeća, u funkciji gradskog vijećnika, posnodim inicijativu koja slijedi i tražim da se Gradsko vijeće o inicijativi koju ponosim, izjasni.

Upućuje se inicijativa da Grad Sarajevo planira sredstva u iznosu od 200.000,00 KM u Budžetu Grada Sarajeva za 2025. godinu kako bi se sufinansiralo asfaltiranje puta od sela Sjedaće (Osojnica) do Klotjevca - sela u južnom dijelu općine Srebrenice, udaljenog od Srebrenice oko 30 kilometara. Ukupna dužina iznosi oko 4,5 kilometara te bi na taj način povratnici Klotjevca se povezali s ostatkom svijeta, a prije svega s ostatkom Bosne i Hercegovine za koju je život dalo 108 mještana Klotjevca (kao i stotinjak žrtava iz sela Sejdinovići, Prohići, Zagaj i Urisići, a koja se nalaze na ovom dijelu putaprije Klotjevca).

Traženje mogućnosti za davanje podrške povratnicima i ulaganje u razvoj u srebereničkom kraju, kontinuirana je obaveza svih subjekata, a Grad Sarajevo kao glavni grad, ima posebnu odgovornost na tom putu. Svaka donirana pomoć povratnicima u postojećim uslovima, izuzetno je vrijedna i važna, ali ulaganje u infrastrukturu je ulaganje u budućnost, a bez uslovnog pristupnog puta su i svakodnevnica i svaka aktvnost usmjerena ka boljem sutara, bitno oteženi.

Obrazloženje:

Klotjevca je selo u južnom dijelu općine Srebrenice, udaljeno od Srebrenice oko 30 kilometara. Mjesto se nalazi na samoj obali Drine, tj. akumulacionog jezera Perućac, na državnoj granici sa Srbijom. Uzvodno gledano, Klotjevca je zadnje mjesto prije otvaranja spektakularnog drinskog kanjona prema Žepi, tj. Slapu (oko 20 kilometara) i Višegradu (oko 45 kilometara). Nizvodno gledano, Klotjevca je prvo naseljeno mjesto na obali Drine koje je na granici sa Srbijom (oko 14 kilometara uzvodno, prije Slapa, Drina prestaje biti granicom i tu započinje suha granica). Svi prijeratni i poslijeratni stanovnici Klotjevca - kao i okolnih podrinjskih sela Prohići, Urisići, Sejdinovići, Raušići, Strane i Zagaj - su pripadnici bošnjačkog naroda.

Ukoliko se zbog decenijske izolacije povratnici u Klotjevca odsele negdje drugdje (a neki su to već učinili), ovaj dio Bosne će, u demografskom i svakom drugom smislu, po drugi put, a možda i zauvijek, biti izgubljen za Bosnu i Hercegovinu. Stoga je od kritične važnosti da se strukturno nasilje i diskriminacija (kroz izolaciju i nedostatak osnovne infrastrukture) protiv povratnika u Klotjevca i okolna sela konačno prekine i omogući im se dostojanstven život u njihovim obnovljenim domovima, onako kako su oni dostojanstveno stajali i još stoje na granici naše domovine.

I pored strateške važnosti, prirodne ljepote i ekonomskog potencijala ovog mjesta, selo, u koje je nekada saobraćalo pet autobusa dnevno i bilo popularna turistička destinacija, nakon rata je postalo "slijepo crijevo", bez asfaltnog puta, a stari makadamski put je potpuno zapušten i neodržavan. Betonski most, dug oko 50 metara - koji je jedina pješačka i saobraćajna veza sela Klotjevca i Urisići sa selima Prohići i ostatkom svijeta - je u agresiji također bio meta agresora i pretrpio je oštećenja od granata. Ta oštećenja, ni skoro 30 godina nakon rata, nikada nisu sanirana i predstavljaju ozbiljnu opasnost po život mještana, pogotovo djece.

U Sarajevu, 17.10.2024. godine

Jasmin Ademović
